



**JP CESTE
FEDERACIJE BIH**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Broj: 01-02.1-11005-4/23 -GK
Datum: 11.12.2023. god.

Primljeno:		12-12-2023	
Org. jed.	Broj	Priloga	Vrijednost
05/1	-02-	443	123

Za: **Bosna i Hercegovina
Federacija Bosne i Hercegovine
VLADA FEDERACIJE BiH
FEDERALNO MINISTARSTVO PROMETA I KOMUNIKACIJA**

Adresa: Braće Fejića b.b.
88000 Mostar

N/r: Andrijana Katić, ministrica

Predmet: Odgovor na zastupničko pitanje,
veza Vaš akt br. 09-02-2-2187-1/23 od 30.11.2023. god.

Poštovani,

Aktom broj: 09-02-2-2187-1/23 od 30.11.2023. godine tražili ste odgovor na zastupničko pitanje, koje je postavio zastupnik Admir Čavalić.

Pitanje:

"Zanima me koliko i da li će se u 2023. i 2024. godini izgraditi novih kilometara cesta, brzih cesta i autocesta na području Tuzlanskog kantona. Takođe zanima me lokacija i plan izgradnje?"

Odgovor:

Vežano za izgradnju novih kilometara cesta na području TK obavještavamo vas da je u toku javna nabava radova na izgradnji dionice Šiški Brod-Đurđevik, poddionica 2 -obilaznica Živinica, dužine cca 5,8km. Otvaranje ponuda je izvršeno 03.02.2023. godine. Nakon završenog žalbenog postupka (u URŽ-u su žalbe rješavane 4 mjeseca?) Odluka o dodjeli ugovora je poništena i vraćena na ponovno odlučivanje. Nakon detaljne analize i dopune po uputama iz Rješenja URŽ-a, donesena je nova Odluka na koju su ponovo uložene dvije žalbe. Predmeti su na rješavanju kod URŽ-a. Takođe je za ovu poddionicu u toku postupak ekspropijacije na području Grada Živinice i Grada Tuzla. Postupak ekspropijacije je završen za cca 87 % parcela od ukupnog broja (353) koje su u obuhvatu izgradnje.

Pribavljena je urbanistička saglasnost i načelno odobrenje za fazno građenje, na osnovu kojeg će se izdavati građevinske dozvole za pojedinačne faze. S obzirom da je za I fazu izgradnje u potpunosti rješena ekspropijacija i izdavanje neophodni suglasnosti u završnoj fazi očekujemo izdavanje građevinske dozvole za I fazu tokom januara 2024. godine, čime će se steći uvjeti za uvođenje Izvođača u posao. S obzirom da bi se do tada mogao okončati i postupak nabavke očekujemo da će radovi započeti u drugom kvartalu 2024. godine.

Za izgradnju navedene poddionice Vlada Federacije BiH je osigurala dio sredstva, a ostatak će se osigurati kroz Budžete FBiH u narednom periodu, u skladu sa dinamikom realizacije projekta. Predviđeni rok izvođenja radova na poddionici 2 (LOT 2) je 30 mjeseci. Procjenjena vrijednost radova 50,00 miliona KM.

JP CESTE FEDERACIJE BIH

Vezano za amandman (koji je zastupnik pomenuo u obrazloženju) kojim je u Predstavničkom domu Parlamenta FBiH za financiranje iz Budžet FBiH za 2023. Godinu predviđena "Izrada glavnog projekta za izgradnju brze ceste Sarajevo-Tuzla", obavještavamo vas sljedeće:


Na temelju navedenog amandmana donesena je Odluka Vlade Federacije Bosne i Hercegovine, V. broj 578/2023 od 06.04.2023. godine, o usvajanju Programa utroška sredstava „Kapitalni transferi javnim poduzećima– Transfer za izgradnju autocesta, brzih cesta, magistralnih i drugih cesta“ utvrđenog Budžetom Federacije Bosne i Hercegovine za 2023. godinu Federalnom ministarstvu prometa i komunikacija. Ovom Odlukom je predviđeno financiranje projekta pod nazivom: "Izrada glavnog projekta za izgradnju brze ceste Sarajevo-Tuzla, poddionica: Vitalj-Gojakovići (modernizacija postojeće magistralne ceste Sarajevo-Tuzla)". Za Implementatora je određeno JP Ceste FBiH, a ukupno je odobreno 4.500.000,00 KM - namjena sredstava za projektiranje i eksproprijaciju.

Predmetnom Odlukom nije jasno definirano za koju kategoriju ceste (brza ili magistralna) treba raditi glavni projekat i nije dobro definirana poddionica, pa se nije mogla planirati nabavka usluga projektiranja. O tome smo u više navrata obavijestili FMPiK te tražili pojašnjenja, izmjenu i preciziranje Odluke. Međutim do danas od strane FMPiK nismo dobili povratnu informaciju.

U međuvremenu je Vlada FBiH dostavila Obavijest/Zaključak broj: 01-02-2654/22 od 27.10.2023. godine, sa 8. Vanredne sjednice Predstavničkog doma Parlamenta FBiH kojim se zadužuje FMPiK i JP Ceste FBiH da do kraja godine finansijska sredstva od 4.500.000,00 KM namjenski utroše na izradu glavnog projekta za izgradnju brze ceste Sarajevo-Tuzla...

S obzirom da i nakon donošenja ovog zaključka navedene nejasnoće ostaju i dalje, tražili smo da FMPiK organizira sastanak sa zastupnicima iz Predstavničkog doma Parlamenta FBiH (predlagačima amandmana) na kojem će predstavnici JP Ceste FBiH prezentirati sve aktivnosti vezane za izradu projektne dokumentacije na predmetnoj cesti. Do danas nema povratnog odgovora!?

Uz zahvalnost na razumjevanju srdačno vas pozdravljamo!

Direktor

 Duško Pravičić, dipl.ing.grad.

Dostaviti:

- Naslovu
- Vlada Federacije BiH
Hamdije Čemerlića broj 2.
71000 Sarajevo
Fax: 033 212 411 ✓
- Parlament FBiH, Zastupnički dom
Hamdije Kreševljakovića broj 3.
71000 Sarajevo
Fax: 033 209 720 ✓
- A/a